

資治通鑑

冊
亥

諸葛亮集

卷一

資治通鑑卷第二百一

端明殿學士兼翰林侍讀學士太中大夫提舉西
京嵩山崇福宮上柱國河內郡開國公食邑二千
二百戶食實封玖伯戶賜紫金魚袋臣司馬光奉
勅編集

後學天台胡三省音註

唐紀十七

起玄默闡茂八月盡上
章敦祥凡八年有奇

高宗天皇大聖大弘孝皇帝中之上

龍朔二年八月壬寅以許敬宗爲太子少師同東西

臺三品知西臺事

同中書門下三
品知中書事

九月戊寅初令八

品九品衣碧

衣於
旣翻

冬十月丁酉上幸驪山温湯太

子監國

監古
銜翻

丁未還宮

庚戌西臺侍郎陝人上官

儀同東西臺三品

西臺侍郎卽中書
侍郎陝失冉翻

癸丑詔以四年

正月有事於泰山仍以來年二月幸東都左相許

圉師之子奉輦直長自然遊獵犯人田

奉輦直長即尚輦直長殿中六

局直長正七品龍朔改尚輦局為奉輦局相息亮翻長知兩翻

田主怒自然以鳴鏑射之

而射

亦圉師杖自然一百而不以聞田主詣司憲訟之司

憲大夫楊德裔不為治

治直之翻

西臺舍人袁公瑜遣人

易姓名上封事告之

西臺舍人即中書舍人為于偽翻上時掌翻

上曰圉師為

宰相侵陵百姓匿而不言豈非作威作福圉師謝曰

臣備位樞軸以直道事陛下不能悉允衆心故為人

所攻訐

訐居謁翻

至於作威福者或手握彊兵或身居重

鎮臣以文吏奉事聖明惟知閉門自守何敢作威福

上怒曰汝恨無兵邪許敬宗曰人臣如此罪不容誅

遽令引出詔特免官

考異曰舊本紀十一月辛未圉師下獄新本紀十一月辛未圉師貶虔州刺史今

據實錄辛未免官久之貶虔州刺史舊紀貶虔州刺史在三年二月新本紀誤

癸酉立皇子旭輪

爲殷王

旭輪後改名
日是爲睿宗

十二月戊申詔以方討高麗百

濟

麗力
知翻

河北之民勞於征役其封泰山幸東都並停

颶海道摠管蘇海政

颶越
筆翻

受詔討龜茲

龜茲音
上慈

敕興

昔亡繼往絕二可汗發兵與之俱

可從刊入
聲汗音寒

至興昔亡

之境繼往絕素與興昔亡有怨

事見上卷顯
慶二年注

密謂海政

曰彌射謀反請誅之

阿史那彌射是
爲興昔亡可汗

時海政兵纔數千

集軍吏謀曰彌射若反我輩無噍類

噍才
笑翻

不如先事

誅之

先悉
薦翻

乃矯稱敕令大摠管齎帛數萬段賜可汗

及諸酋長興昔亡帥其徒受賜海政悉收斬之其鼠

尼施拔塞幹兩部亡走

鼠尼施發咄陸五部之一也拔塞幹
俟斤弩失畢五部之一也曾慈由翻

長知兩翻帥讀
曰率尼女夷翻

海政與繼往絕追討平之軍還至疎勒

南弓月部復引吐蕃之衆來欲與唐兵戰海政以師

老不敢戰以軍資賂吐蕃約和而還由是諸部落皆

以興昔亡為冤各有離心繼往絕尋卒復扶又翻十姓

無主有阿史那都支及李遮富收其餘眾附於吐蕃

為都支遮富連兵反張本是歲西突厥寇庭州刺史來濟將兵拒

之厥九勿翻謂其眾曰吾久當死幸蒙存全以至今日

當以身報國遂不釋甲胄赴敵而死

三年春正月左武衛將軍鄭仁泰討鐵勒叛者餘種

悉平之種章勇翻乙酉以李義府為右相右相中書令也仍知選

事選頒緝翻二月徙燕然都護府於回紇更名瀚海都

護徙故瀚海都護於雲中古城更名雲中都護燕然都護

置於貞觀二十一年見一百九十八卷瀚海都護置於永徽元年見一百九十九卷燕因肩翻更工衡翻以磧為境磧

北州府皆隸瀚海磧南隸雲中雲中都護府治金河即秦漢雲中舊城東北至朔州

三百七十里麟德元年更名單于大都護府杜佑曰單于都護府南至榆林郡百二十里東南到馬邑郡三百五十里磧七逆翻

三月許圜師再貶虔州刺史虔州在京師東南四千一百七十里至東都三千四百里

楊德裔以阿黨流庭州圉師子文思自然並免官

右相河閒郡公李義府典選選須絹翻恃中宮之勢專以

賣官爲事銓綜無次怨讟盈路上頗聞之從容謂義

府曰卿子及壻頗不謹多爲非法我尙爲卿掩覆卿

宜戒之從千容翻爲于僞翻覆敷又翻義府勃然變色頸頰俱張張知亮翻曰

誰告陛下上曰但我言如是何必就我索其所從得

邪索山客翻義府殊不引咎緩步而去上由是不悅望氣

者杜元紀謂義府所居第有獄氣宜積錢二十萬緡

以厭之厭於協翻義府信之聚斂尤急斂力瞻翻義府居母喪朔

望給哭假假古訝翻輒微服與元紀出城東登古塚候望

氣色或告義府窺覘災眚陰有異圖覘丑康翻又丑艷翻眚所景翻又

遣其子右司議郎津召長孫无忌之孫延受其錢七

百緡除延司津監唐東宮司議郎四人正六品上掌啓奏記注龍朔改司議郎爲左司議郎太子舍人爲右

司議郎漢官有都水長屬主爵掌諸池沼後改爲使者後漢改爲河
隄謁者晉置都水臺有使者一人掌舟楫之事梁改爲太舟卿北齊
亦曰都水臺隋改爲都水監唐因之貞觀改爲使者
從六品龍朔元年改爲司津監掌川澤津梁之政令右金吾倉曹

參軍楊行穎告之夏四月乙丑下義府獄下退遣司

刑太常伯劉祥道與御史詳刑共鞫之司刑太常伯卽刑部尚書詳刑

大理也唐自永徽以後大獄以尚書刑部御史臺大理寺官雜按謂之三司仍命司空李勣監焉監

銜事皆有實戊子詔義府除名流舊州津除名流振

州諸子及壻並除名流庭州朝野莫不稱慶舊音韻朝直遙翻

或作河間道行軍元帥劉祥道破銅山大賊李義府

露布李義府河間人故云然帥所類翻榜之通衢義府多取人奴婢及

敗各散歸其家故其露布云混奴婢而亂放各識家

而競入此姑述時人快義府之得罪而有是通鑑因采而誌之以爲世鑒學者爲文類有所祖漢高帝爲太上皇營新豐後

人誌其事其辭云混雞犬而亂放各識家而競入此語所祖有自來矣乙未置雞林大都督

府於新羅國以金法敏爲之丙午蓬萊宮含元殿

成上始移仗居之更命故宮曰西內

故宮謂太極宮自武德以來人主居之自

是以後謂之西內更工衡翻

戊申始御紫宸殿聽政

蓬萊宮正殿曰含元殿含元之後曰宣政

殿宣政殿北曰紫宸門內有紫宸殿即內衙之正殿

五月壬午柳州蠻酋吳君解

反

柳州漢潭中縣地隋置馬平縣唐武德四年置南昆州貞觀八年改曰柳州

遣冀州長史劉伯

英右武衛將軍馮士翺發嶺南兵討之

翺呼外翻

吐蕃

與吐谷渾互相攻各遣使上表論曲直更來求援

從吐

噉入聲谷音浴使疏吏翻上時掌翻更工衡翻迭也

上皆不許吐谷渾之臣素和貴

有罪逃奔吐蕃具言吐谷渾虛實吐蕃發兵擊吐谷

渾大破之吐谷渾可汗曷鉢與弘化公主帥數千帳

奔國走依涼州請徙居內地

唐會要曰吐谷渾自永嘉之末始西度洮水建國於羣羌之故

地龍朔三年為吐蕃所滅凡三百五十年帥讀曰率下同

上以涼州都督鄭仁泰為青

海道行軍大摠管帥右武衛將軍獨孤卿雲辛文陵

等分屯涼鄯二州以備吐蕃

鄯時戰翻涼鄯相去五百八十里

六月戊

申又以左武衛大將軍蘇定方爲安集大使節度諸

軍爲吐谷渾之援吐蕃祿東贊屯青海遣使者論仲

琮入見

吐蕃立國之初有大論小論以統國事後因以爲貴姓見賢遍翻

表陳吐谷渾之罪

且請和親上不許遣左衛郎將劉文祥使于吐蕃降

璽書責讓之

將卽亮翻璽斯氏翻

秋八月戊申上以海東累歲

用兵百姓困於征調

調徒平翻

士卒戰溺死者甚衆

溺奴狄翻

詔

罷三十六州所造舡遣司元太常伯竇德立等

司元太常

伯卽戶部尚書

分詣十道問人疾苦黜陟官吏德立毅之曾

孫也

竇毅太穆皇后之父

九月戊午熊津道行軍摠管右威衛

將軍孫仁師等破百濟餘衆及倭兵於白江拔其周

留城

倭鳥禾翻

初劉仁願劉仁軌既克真峴城

克真峴城見上卷二年

詔孫仁師將兵浮海助之

將卽亮翻下同

百濟王豐南引倭

人以拒唐兵仁師與仁願仁軌合兵勢大振諸將以

加林城水陸之衝欲先攻之仁軌曰加林險固急攻則傷士卒緩之則曠日持久周留城虜之巢穴羣凶所聚除惡務本

書泰誓之言

宜先攻之若克周留諸城自

下於是仁師仁願與新羅王法敏將陸軍以進仁軌

與別將杜爽扶餘隆將水軍及糧船自熊津入白江

以會陸軍同趣周留城

趣七喻翻

遇倭兵於白江口四戰

皆捷焚其舟四百艘煙炎灼天

艘蘇遭翻炎讀曰燄

海水皆赤百

濟王豐脫身奔高麗王子忠勝忠志等帥衆降

帥讀曰率

下之帥皆帥降戶江翻下同

百濟盡平唯別帥遲受信據任存城不

下

帥所類翻尉紆勿翻

初百濟西部人黑齒常之長七尺餘驍勇

有謀略

長直亮翻驍堅亮翻

仕百濟爲達率兼郡將猶中國刺史

也

新羅官有十六品左平一品達率二品五方各有方領一人以達率爲之方有十郡郡有將二人以德率爲之德率四品百濟置官

蓋與新羅略同也率所類翻

蘇定方克百濟常之帥所部隨衆降定

方繫其王及太子縱兵劫掠壯者多死常之懼與左右十餘人遁歸本部收集亡散保任存山結柵以自固旬月間歸附者三萬餘人定方遣兵攻之常之拒戰唐兵不利常之復取二百餘城

復扶又翻

定方不能克

而還

還從宣翻又如字

常之與別部將沙吒相如

沙吒夷人複姓吒陟加翻

各

據險以應福信百濟既敗皆帥其衆降劉仁軌使常之相如自將其衆取任存城仍以糧仗助之孫仁師曰此屬獸心何可信也仁軌曰吾觀二人皆忠勇有謀敦信重義但擲者所託未得其人今正是其感激立效之時不用疑也遂給其糧仗分兵隨之攻拔任存城遲受信弃妻子奔高麗詔劉仁軌將兵鎮百濟召孫仁師劉仁願還百濟兵火之餘比屋彫殘

必比翻毗

又毗至翻

僵尸滿野仁軌始命瘞骸骨籍戶口理村聚署

官長通道塗立橋梁補隄堰復陂塘課耕桑賑貧乏

養孤老立唐社稷頒正朔及廟諱卒如仁軌之志所謂有志者事竟成也僂居良

翻瘞於計翻長知百濟大悅闔境各安其業然後脩屯

田儲糗糧訓士卒以圖高麗糗去九翻劉仁願至京師上

問之曰卿在海東前後奏事皆合機宜復有文理復扶

又翻卿本武人何能如是仁願曰此皆劉仁軌所為非

臣所及也上悅加仁軌六階勳有級官有階正除帶方州刺

史為築第長安厚賜其妻子遣使齎璽書勞勉之于為

偽翻使疏吏翻勞力到翻上官儀曰仁軌遭黜削而能盡忠黜削謂白衣從軍自

也効仁願秉節制而能推賢皆可謂君子矣冬十月

辛巳朔詔太子每五日於光順門內視諸司奏事唐

典大明宮紫宸殿內朝正殿也殿之南面曰紫宸門左曰崇明門右曰光順門其事之小者皆委太

子決之十二月庚子詔改來年元壬寅以安西

都護高賢為行軍揔管將兵擊弓月以救于闐是

歲大食擊波斯拂菻破之

拂菻古大秦國也居西海上曰海西國去京師四萬里北直突厥

可薩部西瀕海東南接波斯杜佑曰大秦前漢犂鞬國也赫力錦翻又力鳩翻類篇曰佛菻

南侵婆羅門吞

滅諸胡勝兵四十餘萬

勝音升

麟德元年

去年絳州麟見又含元殿前麟趾見於是改元

春正月甲子改雲中都

護府為單于大都護府以殷王旭輪為單于大都護

單音蟬

初李靖破突厥

見一百九十三卷太宗貞觀四年厥九勿翻

遷三百帳于

雲中城阿史德氏為之長

長知兩翻

至是部落漸眾阿史

德氏詣闕請如胡法立親王為可汗以統之上召見

謂曰今之可汗古之單于也故更為單于都護府

工更

衡翻改也

而使殷王遙領之

二月戊子上行幸萬年宮

永徽元年改九成宮為萬年宮

夏四月壬子衛州刺史道孝王元慶

薨

丙午魏州刺史郇公孝協坐贓賜死司宗卿隴

西王博義奏孝協父叔良死王事

司宗卿即宗正卿叔良太祖之孫高祖時叔良

擊突厥中流矢薨郇音荀

孝協無兄弟恐絕嗣上曰畫一之法不以

親疎異制

漢書云蕭何為法講若畫一注云畫一言整齊也

苟害百姓雖皇太子

亦所不赦孝協有一子何憂乏祀乎孝協竟自盡於

第

五月戊申朔遂州刺史許悼王孝薨

孝上子也後宮所生

乙卯於昆明之弄棟川置姚州都督府

劉昫曰漢益州郡之雲南縣古

滇國後漢屬永昌郡蜀劉氏分永昌為建寧郡又分永昌建寧置雲南郡而治於弄棟晉改為晉寧郡又置寧州武德四年安撫大使李

英以此州人多姓姚故置姚州今陞置都督府管州三十二

秋七月丁未朔詔以三年

正月有事於岱宗

八月丙子車駕還京師幸舊宅

舊宅帝為晉王時所居也

留七日壬午還蓬萊宮

丁亥以司列太

常伯劉祥道兼右相

司列太常伯即吏部尚書

大司憲竇德立為司

元太常伯檢校左相

大司憲即御史大夫司元太常伯即戶部尚書左相即侍中

冬十月

庚辰檢校熊津都督劉仁軌上言

上時掌翻

臣伏覩所存

戍兵疲羸者多勇健者少

羸倫爲翻少詩沼翻

衣服貧敝唯思西

歸無心展効臣問以往在海西見百姓人人應募爭

欲從軍或請自辦衣糧謂之義征何爲今日士卒如

此咸言今日官府與曩時不同人心亦殊曩時東西

征役身沒王事並蒙敕使弔祭

使疏吏翻

追贈官爵或以

死者官爵回授子弟凡度遼海者皆賜勳一轉自顯

慶五年以來征人屢經渡海官不記錄其死者亦無

人誰何

誰何問也問其爲誰緣何而死也

州縣每發百姓爲兵其壯而

富者行錢參逐皆亡匿得免

謂州縣官發人爲兵其吏卒之參陪隨逐者富民行錢與之相

爲掩蔽得以土匿按元和四年御史臺奏比來常參官入光範門及中書省所將參從人數頗多參從猶參逐也

貧者身

雖老弱被發卽行頃者破百濟及平壤苦戰

破百濟見上卷顯慶

五年平壤苦戰見龍朔二年被皮義翻

當時將帥號令許以勳賞無所不至

及達西岸惟聞枷鎖推禁奪賜破勳州縣追呼無以

自存公私困弊不可悉言以是昨發海西之日已有
逃亡自殘者非獨至海外而然也又本因征役授勳
級以爲榮寵而比年出征皆使勳官挽引

比毗至翻挽引謂挽引舟

車

勞苦與白丁無殊百姓不願從軍率皆由此臣又

問曩日士卒留鎮五年尙得支濟今爾等始經一年
何爲如此單露咸言初發家日惟令備一年資裝今
已二年未有還期臣檢校軍士所留衣今冬僅可充
事來秋以往全無準擬陛下留兵海外欲殄滅高麗
百濟高麗舊相黨援倭人雖遠亦共爲影響若無鎮
兵還成一國今旣資戍守又置屯田所藉士卒同心
同德而衆有此議何望成功自非有所更張厚加慰
勞

董仲舒曰琴瑟不調必改而更張之更工衡翻勞力到翻

明賞重罰以起士心若止

如今日以前處置恐師衆疲老立效無日逆耳之事